

zyn von Jupiter. Das Kupfer von Venere.
Das eysen von Marte. Das bley von
Saturno. Das quecksilber vō Mercurio
gemacht wird / Warumb die metall gar
offt von Hermete vnd von andern weys
sen mit diesen namen genent werden / als
das golt geheissen wird die Sonne / auff
latein Sol / das silber der Monde / auff
latein Luna / als Klerlichen yn den geson
dertē capiteln eines iglichē metal gesagt
wird. Also vil sey kurzlichen gesagt von
dem gemeinē wircker der metal vnd ertz.

Sonder das vnderworffen ding oder
die gemeine materie aller metal / ist nach
der meinung vnd wohn der weisen / sch
wefel vnd quecksilber / die durch dē lauff
vnd einfluss des himels müssen vereynigt
vnd gehertiget werden zu einem metalli
schen corper oder zu einem ertz / Sonder
etliche halten das durch den lauff vñ ein
fluss des himels werden aus der tieffe der
erden von schwefel vnd quecksilber auf
gezogen / dunst oder bradē / exalatiōes mi
nerales genāt / vnd ym auffrauchen / ynn
gengē vñ klufftē / durch wirckūg der pla
netē werdē vereyniget vñ zu einem ertz ge
macht. Noch sind etliche die haltē nicht

auß

das